



Áveitan

1. tbl. 12. árgangur. Janúar 2018

Dansnámskeið

Hefur þig alltaf langað til að kunna skottís og geta dansað hann almennilega á þorablóttinu? Ef svo er þá þarft þú ekki að leita lengra!

Ungmennafélagið Þjótandi ætlar að standa fyrir ör-dansnámskeiði þar sem lögð verður áhersla á dansa sem nýtast á dansgólfum þorablótanna. Um er að ræða tveggja kvölda námskeið sem verður miðvikudagskvöldin 24. og 31. janúar kl 20:30. Námskeiðið fer fram í Félagslundu og kennari verður Íris Anna Steinarrsdóttir.

Verð á námskeiðið er aðeins 1000 kr á hvern einstakling og það þurfa að lágmarki 10 pör að skrá sig svo það verði haldið.

Áhugasömum einstaklingum er einnig óhætt að skrá sig og þeir verða þá paraðir við aðra í sömu stöðu. Námskeiðið er einungis ætlað fólki fæddu árið 2001 eða fyrr.

Skráningarfrestur er til 18. janúar og skulu skráningar berast á netfangið gudmunda89@gmail.com.

Við hvetjum sem flesta til að nýta sér þetta einstaka tækifæri og skrá sig á námskeiðið. Hvort sem þið kunnið ekkert að dansa eða viljið bara fá smá upprifjun.



Umf. Þjótandi

Áveitan í Flóahreppi

Útgefandi: Ungmennafélagið Þjótandi.

Ábyrgðarmenn:

Ragnar Sigurjónsson
icegordon@gmail.com
S. 820-3565

lðunn Ýr Ásgeirsdóttir
idunnyr84@gmail.com
S: 865-1454

Fanney Ólafsdóttir
fanneyo@emax.is
S. 892-4155

Frá sveitarstjóra

Kæru íbúar og aðrir lesendur.

Gleðilegt nýtt ár og takk fyrir samstarfið á liðnu ári.

Veturinn hefur verið snjóléttur fram að þessu og sól farin að hækka á lofti.

Fjölmennt var í skötuveislu Þjótanda í Þjórsárveri og gaman að sjá samankomna fjölmarga íbúa og gesti að snæða þennan þjóðlega rétt okkar með kartöflum og rófum úr heimabyggð ásamt góðri hamsatólgi. Takk kraftmiklu félagar í Ungmennafélaginu Þjótanda fyrir að bjóða upp á þennan skemmtilega viðburð.

Á næstu vikum vinna starfsmenn Flóahrepps að árstíðabundnum verkefnum við endurskoðun og álagningu fasteignagjalda. Stefnt er að því að ársreikningur sveitarfélagsins verði lagður fram til fyrri umræðu á sveitarstjórnarfundum 13. mars. Álagningaseðlar verða ekki prentaðir út nema til þeirra sem sérstaklega óska þess heldur sendir rafrænt á island.is. Innheimtuseðlar verða sendir til allra fyrirtækja en ekki annarra nema þess sé sérstaklega óskað.

Vinna er hafin við undirbúning á lagningu ljósleiðarans og gott til þess að vita að Flóahreppur verður meðal þeirra sveitarfélaga á Íslandi sem uppfylla opinber markmið verkefnisins „Ísland ljóstengt“ sem snýst um ljósleiðaratengingu 99,9 % heimila á öllu landinu 2020.

Flóahreppur hefur fengið úthlutað 74 milljónum króna vegna styrkhæfra staða í sveitarfélaginu. Ákveðið hefur verið að stofna B- hluta félag sem verður alfarið á ábyrgð sveitarfélagsins og í eigu þess til þess að leggja og reka ljósveitu í Flóahreppi. Félagið hefur fengið nafnið Flóaljósi. Í undirbúningi er að stofna sérstaka heimasíðu sem verður hlekkjuð inn á heimasíðu Flóahrepps þar sem settar verða inn upplýsingar um stöðu og framgang verkefnisins. Fyrir liggur að meta efnisþörf til þess að hægt sé að kalla eftir verðum í efni, ásamt því að vinna útboðsgögn

vegna jarðvegsframkvæmda. Til þess að endanleg hönnun gefi sem réttasta mynd þá verða allir íbúar heimsóttir til þess að kanna áhuga þeirra á þátttöku í verkefninu ásamt því að leita ráða varðandi bestu mögulega útfærslu á staðsetningu á heimtaugar. Heimsóknir munu hefjast eftir miðjan janúar. Um 8 heimili verða heimsótt á dag þannig að gera má ráð fyrir að í lok febrúar verði þessum heimsóknum lokið.“

Sumarhúsaeigendum mun einnig gefast kostur á tengingum við ljósleiðarakerfið gegn tengigjaldi auk raunkostnaðar við hverja tengingu.

Fyrsti sveitarstjórnarfundur ársins 2018 verður haldinn 11. janúar. Dagskrá sveitarstjórnarfunda er alltaf birt á heimasíðu sveitarfélagsins næsta föstudag á undan hverjum fundi þannig að íbúar geti fylgst með hvaða verkefni eru í vinnslu hverju sinni.

Með góðri kveðju, Eydís Þ. Indriðadóttir, sveitarstjóri

Frá Villingaholts-Hraungerðis og Laugardælakirkjum, messuhald vorið 2018

- 11. febrúar. Villingholtskirkja kl. 13:30, prestur Guðbjörg Arnardóttir
- 4. mars. Hraungerðiskirkja kl. 13:30, prestur Ninna Sif Svavarsdóttir
- 1. apríl, páskadagur. Hátíðarmessa í Hraungerðiskirkju kl. 11:00, prestur Ninna Sif Svavarsdóttir
- 2. apríl, annar páskadagur. Hátíðarmessa í Villingaholtskirkju kl. 11:00, prestur Ninna Sif Svavarsdóttir
- 20. maí, hvítasunnudagur. Fermingarmessa í Hraungerðiskirkju kl. 13:00, prestur Ninna Sif Svavarsdóttir
- 21. maí, annar hvítasunnudagur. Fermingarmessa í Villingaholtskirkju kl. 11:00, prestur Ninna Sif Svavarsdóttir
- 27. maí, Laugardælakirkja kl. 13:30, prestur Guðbjörg Arnardóttir

Aðalfundur og félagsslit

Aðalfundur Hrossaræktarfélags Hraungerðishrepps verður haldinn þriðjudagskvöldið 23. janúar í Þingborg kl. 20.30.

Þetta verður síðasti fundur þessa félags því félagið hefur sameinast hinum tveimur Hrossræktarfélögum í Flóahreppi. Við viljum samt hvetja sem flesta félagsmenn að mæta á þennan síðasta fund félagsins. Þá verður einnig hægt að skrá sig í nýja hrossaræktarfélagið á fundinum.

Dagskrá: Hefðbundin aðalfundarstörf og kaffi eftir fund.

Stjórnin

Frá Kvenfélagi Villingaholtshrepps:

Gleðilegt ár og takk fyrir liðnar stundir.

„Gaman saman“ samverur verða 8. og 22. janúar kl 20.00 til 22.00.

Reiknum með að verða í Þjórsárverri, en nánar auglýst á facebook síðu kvenfélagsins og hjá formanni.

Spjall og handavinna. Allar konur hjartanlega velkomnar.

Stjórnin

BAÐSTOFUKVÖLD



VÖRÐUKÓRINN

Heldur sitt árlega

Baðstofukvöld í Felagsheimilinu Ánesi föstudagskvöldið 2. febrúar kl. 20:30

Kappkostað er að bjóða upp á skemmtilega og fjölbreytta dagskrá og að sjálfsögðu býður þessi matglaði kór upp á veitingar, auk þess sem barinn verður opin.

Uppsveitafólk er þekkt fyrir að skemmta sér og öðrum og verður þetta kvöld engin undantekning á því. Setið verður til borðs og notaleg stemning, gleði og gaman í fyrirrúmi.

Miðaverð er 2500 krónur.

Hjónaball Gaulverja í Félagslundi - 10. febrúar 2018

Hið árlega Hjónaball Gaulverja verður haldið í Félagslundi þann 10. febrúar næstkomandi.

Húsið opnar kl 20:00 og borðhald hefst hálf tíma síðar.

Hægt er að panta miða hjá Katrínu Austurbæ [8621464/](tel:8621464)
katrin99@hotmail.com og Kristínu Gaulverjabæ 4863380.

Miðaverði verður stillt hóf eins og hægt er líkt og undanfarin ár.

Hlökkum mikið til
Kveðja, nefndin



Námskeið

**Fyrirhugað er að halda endurmenntunarnámskeið fyrir
atvinnubílstjóra í Félagslundi á tímabilinu janúar-febrúar 2018 ef
næg þátttaka fæst. Námskeiðið yrði á sunnudögum.**

Áhugasamir tilkynni þátttöku til Helga Sigurðssonar í síma 892-9872.

Frá Villingaholtskirkjugarði

Á síðastliðnu ári voru settir niður 3 nýir rafmagnskassar í kirkjugarðinum vegna leiðislýsingar og 3 kassar vegna lýsingar á kirkju og að venju var mikil ljósadýrð í kirkjugarðinum á aðventu. En okkur langar að biðja þá sem setja niður krossa að greiða 1.000,- kr fyrir hvern kross til að mæta kostnaði við rafmagnsnotkun og endurnýjun búnaðar.

Leggja má inn á reikning 0152-15-381326, kr: 510489-1799, eigandi Villingaholtskirkjugarður.

Þorrablót í Þingborg 2018

Hið bráðskemmtilega þorrablót Umf. Þjótanda og Skemmtinefndar Sandvíkurhrepps verður haldið í Þingborg laugardaginn 3. febrúar nk. Húsið opnar kl. 20:00 og borðhald hefst stundvíslega kl. 20:30.


Blótið hefst með því að bornar verða fram þjóðlegar kræsingar eins og hver getur í sig látið. Þá verður slegið á léttu strengi og rifjuð upp ýmis afrek nýliðins árs. Hljómsveitin Viggó ætlar síðan að skemmta dansþyrstum fram á nótt.

Miðapantanir berist í síðasta lagi sunnudaginn 28. janúar í síma 867-3538 (Baldur Gauti) eða 856-5595 (Dagbjartur).

ATHUGIÐ: Mjög mikilvægt er að búið sé að panta miða á réttum tíma svo nægur matur sé til handa öllum. Miðaverði verður að venju stillt í hóf.

Sækja skal pantaða miða þriðjudag 30. janúar frá kl. 19 – 21, föstudaginn 2. febrúar frá 19 - 21 eða laugardaginn 3. febrúar frá kl. 11 – 13 í Þingborg. Eða eftir nánari samkomulagi hjá þeim sem pantað er hjá.

ATHUGIÐ: Breytingar verða á rútumálum að þessu sinni. Ákveðið hefur verið að bjóða ekki uppá rútu innifalda í miðaverði. Við munum þó áfram bjóða uppá rútuferðir á blótið og verður nánara fyrirkomulag þeirra ferða kynnt betur síðar á facebook-síðu þorrablótsins eins fljótt og hægt verður eða líka hægt að kynna sér málið í miðapöntunarnúmerum.



Geymið auglýsinguna!

Góða skemmtun!
Þorrablótsdeild Umf. Þjótanda og skemmtinefnd
Sandvíkurhrepps

Safnaðarfundur

Almennur safnaðarfundur Hraungerðissóknar verður haldinn í Hraungerðiskirkju mánudagskvöldið 8. janúar kl. 20.30. Á dagskrá fundarins er kosning fulltrúa í kjörnefnd og önnur mál.

Sóknarnefnd



Eyravegi 32 · Sími 480 1160 · Neyðarnúmer 660 1160

**Þorrablótíð í Þjórsárveri verður haldið
laugardagskvöldið 17. febrúar 2018.**

Takið daginn frá!

Áramótakveðja

Stjórn Búnaðarfélags Villingaholtshrepps þakkar félagsmönnum sínum og viðskiptavinum samskiptin á árinu 2017, með von um farsæld og velgengni við leik og störf á nýju ári.



Pistillinn

Sælir sveitungar.

Það hefur nú aldrei verið mín sterka hlið að skrifa bréf eða greinar en nú skal reynt þar sem skorað var á mig. Það hæfir vel á þessum tíma að skrifa um veru okkar hérna í sveitinni þar sem við höldum okkar tíundu jólinu nú. Við byrjuðum að byggja í september og svo var bara verið öllum stundum hérna og unnið við húsið og inn fórum við og gistum fyrstu nóttina 22. desember.

En svolítið um mig og mína föðurætt sem er héðan úr gamla Gaul.

Langamma og langafi foreldrar ömmu Guðlaugar bjuggu í Rútsstaðanorðurkoti en fluttu svo að Syðra Velli en Erlingur afi bjó á Galtastöðum. Amma og afi voru bændur á Galtastöðum og um tíma faðir minn Árni Sverrir og Sigurjón bróðir hans, síðan tekur Arndís systir þeirra við ásamt sínum manni. Í dag býr ekkert af mínu frændfólki hérna í Flóahreppi.

Okkur hefur liðið vel hérna og mörg skemmtileg verkefni fallið í okkar hendur. Lengi vel sóttum við bæði vinnu á Selfoss og öll okkar börn skóla nema sá yngsti sem fór í Flóaskóla. Í dag störfum við hjónin bæði hjá Flóahreppi.

Þó við búum hérna í rólegheitarsveitasamfélagi þá á pabbi minn minningar frá stríðsárunum þegar breskur herflokkur 50-60 manns kom að Galtastöðum og lögðu undir sig fjárhúskofatóft, setti þar niður kabysu mikla og útbjuggu sér eldunaraðstöðu þar og settu upp tjaldbúðir, en yfirmenn óskuðu eftir að fá heitt kaffi inni bæ. Vélbyssan var sett upp við fjárhúskofatóftina og var vöktuð allan sólahringinn svo enginn kæmi þar nálægt.

Læt hér tvær sögur fylgja með sem gerðust hér þegar verið var að smíða hænsnakofann fyrir mig.

Pabbi var úti að snikka til kofann þegar maður kemur ofan úr mýri labbandi og verður þetta líka glaður að sjá mannveru, því hann var búinn að vera að veiða og lagði af stað frá Skökkubru (Bárarbrú) og var bara búinn að labba og labba og var orðin rammvilltur og hræddur að eigin sögn (í flötum Flóanum). Hann var svo glaður að hitta pabba að hann gaf honum aflann sinn og pabbi ók honum niður að símaklefa þar sem átti að sækja hann.

Hin sagan gerðist þegar ég bað bónda minn um að hengja upp ljós fyrir mig í hænsnakofanum, sem var auðsött mál að gera. Við löbbum saman og ég sýni honum hvar ljósið eigi að vera fer svo bara inn að finna matinn á borðið. Svo líður tíminn og aldrei kemur kallinn (ég held að hann væri að dásama hænsin sem var svosum ekkert líklegt) allt í einu sé ég kallinn út um eldhúsgluggann

ca. 30-40 mín. síðar og hann setur hendi upp í loft og ég vinka bara til baka, svo kom hann inn og var nú ekki kátur með kellu sína því hún hafði lokað kofanum utan frá og bara lítill gluggi sem hann þurfti að skrúfa úr en ekkert var skrúfjárníð til að notast við til að losna úr þessu viðviki fyrir frúna.

Ég óska öllum sveitungum mínu velfarnaðar á nýkomnu ári og þakka góðar móttökur sem við fengum þegar við fluttum í Flóahrepp. Ég ætla að skora á góðvin minn hann Jón Valgeir í Lyngholti að skrifa næsta pistill.

Bestur kveðjur
Rannveig Árnadóttir Hófgerði

Aðalfundur Umf. Þjótanda 2018

Sunnudagskvöldið 28. janúar kl 20:30 mun aðalfundur Ungmennafélagsins Þjótanda fara fram í Þingborg. Dagskrá fundarins er eftirfarandi:

Setning og kosning starfsmanna fundarins
Inntaka nýrra félaga
Skýrsla stjórnar
Gjaldkeri leggur fram reikninga
Skýrslur nefnda
Umræður um skýrslur, afgreiðsla reikninga
Lagðar fram tillögur
Fundarhlé
Verðlaunaafhendingar
Afgreiðsla tillagna
Kosningar
Önnur mál

Allir félagar, ungir sem aldnir eru hvattir til þess að koma á fundinn. Hvort sem er til að koma skoðunum sínum á framfæri eða bara til þess að fylgjast með. Á aðalfundi hafa 12 ára og eldri atkvæðisrétt svo við hvetjum unga fólkið sérstaklega til þess að koma og prófa að taka þátt í að móta félagsstarfið.

Stjórnin

Stofnfundur og fleira hjá Hrossaræktarfélagi Flóahrepps

Stofnfundur Hrossaræktarfélags Flóahrepps var haldinn í Þingborg 7. desember sl. en þar voru kynnt lög/stofnskrá félagsins af undirbúningsnefnd, en hún samanstóð af stjórnarmönnum úr gömlu hrossaræktarfélagunum. Um 40 manns komu á þennan fund. Bráðabirgðastjórn hins nýja félags var kynnt á fundinum en hana skipa Atli Geir Jónsson, Ágúst Ingi Ketilsson, Már Ólafsson, Elisabet Thorsteinson, Sigurbjörn Hlöðver Jóhannsson. Varamenn: Sævar Sigurvinsson og Jón Valgeir Geirsson. Mun þessi stjórn starfa fram að fyrsta aðalfundi félagsins sem stefnt er á að halda í febrúar. Einnig er stefnt á að halda fyrstu folaldasýningu félagsins í febrúar en það verður auglýst síðar.

Þeir sem vilja skrá sig í nýja félagið er bent á að senda tölvupóst á netfangið agustk@visir.is og þar þurfa eftirfarandi upplýsingar að koma fram: Nafn, heimilisfang, kennitala, netfang og símanúmer. Þeir sem skrá sig fyrir aðalfundinn verða svokallaðir stofnfélagar. Við viljum benda á að það verður að skrá sig í hið nýja félag þar sem félagsmenn úr gömlu félagunum flytjast ekki sjálfkrafa yfir í nýja félagið. Það er von okkar í bráðabirgðastjórninni að fólk taki þessu nýja félagi vel með opnum huga og við getum átt eitt öflugt hrossaræktarfélag í Flóahreppi.

Ágætu lesendur, gleðilegt ár

Nú er komið að því að innheimta áskriftargjöld fyrir Áveituna. Þeir greiða áskriftargjöld sem ekki eru félagsmenn í Umf. Þjótanda og búa utan sveitarfélagsins Flóahrepps. Árgjaldið er 2.500 kr og verður innheimt gegnum heimabanka. Ef krafan verður ekki greidd innan mánaðar er litið svo á að viðkomandi óski ekki eftir að fá blaðið sent lengur. Við bendum einnig á að hægt er að fá áveituna senda í tölvupósti án endurgjalds.

Bestu kveðjur frá ritstjórn Áveitunnar

Úrslit af íþróttamótum

Jólamót yngri flokka fór fram á Selfossi þann 29. nóvember. Þar átti Þjótandi tvo keppendur sem stóðu sig með glæsibrag. Hér má sjá árangur þeirra.

Benóný Ágústsson	'08	30m hlaup	5,70 sek	2. sæti
		Langstökk	1,68 m	3. sæti
		Skutlukast	7,60 m	3. sæti
Helgi Reynisson	'08	30m hlaup	5,50 sek	1. sæti
		Langstökk	1,78 m	1. sæti
		Skutlukast	9,20 m	5. sæti

Brynjar Jón Brynjarsson keppti á Ármannsmóti sem fór fram í Reykjavík í byrjun desember. Brynjar stóð sig mjög vel og bætti sinn besta árangur í báðum greinum sem hann keppti í.

60m hlaup	8,05 sek	6. sæti
Kúlurv.(5kg)	9,76 m	3. sæti

Þjótandi átti þrjá keppendur á **Akademíumótinu** sem fór fram í íþróttahúsinu Iðu á Selfossi þann 29. nóvember. Hér er árangur þeirra:

Brynjar Jón Brynjarsson	'01	Langst.án atr.	2,47 m	4. sæti
Hugi Snær Jónsson	'01	Langst. án atr.	2,44 m	5. sæti
Stefán Narfi Bjarnason	'00	Langst. án atr.	2,72 m	2. sæti

Þjótandi átti 5 keppendur á **Áramótamóti Umf. Selfoss** 30. des. Þeir stóðu sig vel:

Brynjar Jón Brynjarsson	'01	Hástökk	1,45 m
		Hástökk án atr	1,25 m
		Langstökk án atr	2,44 m
		Þrístökk án atr	7,32 m
		Kúlurvarp (7,26 kg)	8,29 m
Hugi Snær Jónsson	'01	Hástökk án atr	1,15 m
		Langstökk án atr.	2,43 m
		Þrístökk án atr.	6,74 m
		Kúlurvarp (7,26 kg)	6,87 m
Stefán Narfi Bjarnason	'00	Hástökk	1,65 m
		Hástökk án atr	1,15 m
		Langstökk án atr	2,61 m
		Þrístökk án atr.	8,30 m
		Kúlurvarp (7,26kg)	10,11 m
Unnsteinn Reynisson	'03	Hástökk	1,55 m
		Hástökk án atr	1,25 m
		Langstökk án atr	2,36 m
		Þrístökk án atr	7,01 m
		Kúlurvarp (4 kg)	9,49 m
Eliás Örn Jónsson	'03	Langstökk án atr	2,13 m
		Þrístökk án atr	6,34 m

Héraðsmót í frjálsum íþróttum 14. janúar

Aldursflokkamót HSK 11-14 ára, unglíngamót HSK 15-17 ára og Héraðsmót fullorðinna í frjálsum íþróttum innanhúss 2018 munu fara fram í frjálsíþróttahöllinni í Kaplakrika sunnudaginn 14. janúar. Aldursflokkamótið hefst kl 10:00 en hin mótin kl 13:00.

Stefnt er á góða þátttöku frá Þjótanda, og ef næg þátttaka fæst verður farið með rútu líkt og undanfarin ár.

Þeir sem mæta á æfingar hjá Örvari geta skráð sig hjá honum en fyrir aðra er best að hafa samband við Guðmundu í síma 846-9775 eða á guðmunda89@gmail.com. Skráningarfrestur rennur út á miðnætti fimmtudaginn 11. janúar.

Dagskrá mánaðarins

Safnaðarfundur Hraungerðissóknar	8. janúar
Æfing 7.-10. bekkur	8. janúar
Gaman saman	8. janúar
Glímuæfing	9. janúar
Héraðsmót HSK í frjálsum	14. janúar
Æfing 7.-10. bekkur	15. janúar
Glímuæfing	16. janúar
Æfing 7.-10. bekkur	22. janúar
Gaman saman	22. janúar
Aðalfundur Hrossaræktarfélag. Hraung.hr	23. janúar
Glímuæfing	23. janúar
Dansnámskeið	24. janúar
Aðalfundur Umf. Þjótanda	28. janúar
Æfing 7.-10. bekkur	29. janúar
Glímuæfing	30. janúar
Dansnámskeið	31. janúar
Þorrablót í Þingborg	3. febrúar
Hjónaball í Félagslund	10. febrúar